

## **GWK BESPROEING: STANDAARD BEPALINGS EN VOORWAARDES**

### **1. DEFINISIES**

- 1.1. **“Aanvangsdatum of transaksiedatum”** beteken die transaksie soos omskryf in die ooreenkoms sal aanvang neem op die datum waarop die kliënt die ooreenkoms onderteken of 'n kwotasie aanvaar;
- 1.2. **“Die kliënt”** beteken die party soos beskryf op die voorblad van die ooreenkoms waartoe hierdie GWK Besproeiing: Standaard Bepalings en Voorwaardes van toepassing is;
- 1.3. **“Droë kommissie”** beteken wanneer toetse en prosedures gedoen word sonder water in die stelsel. Dit behels die nagaan en toets van die stelsel om te verseker dat die stelsel aan die ontwerp spesifikasie voldoen. Hierdie dien ook as bewys van alle partye se tevredenheid en aanvaarding van die installasie;
- 1.4. **“Lewering”** ten opsigte van die produk, en die datum waarop dit plaasvind, beteken:
  - 1.4.1. Afhaal deur die kliënt by die GWK-aangewysde stoor;
  - 1.4.2. Laai deur GWK op die kliënt se vervoermiddel;
  - 1.4.3. Aflewering deur GWK by die kliënt se aangewysde adres;
- 1.5. **“GWK”** beteken Griekwaland Wes Korporatief Beperk (1997/022252/06);
- 1.6. **“Nat kommissie”** beteken wanneer toetse en prosedures gedoen word met water in die stelsel, indien nodig. Dit behels die spoel en skoonmaak van stelsels, lekkasie- druk- en/of vloeitoetse. Hierdie dokument dien as bewys van die kliënt en GWK se tevredenheid met die werke en bevestig dat die installasie afgehandel is;
- 1.7. **“Partye”** beteken die partye tot die ooreenkoms waartoe hierdie GWK Besproeiing: Standaard Bepalings en Voorwaardes van toepassing is, naamlik GWK en die kliënt;
- 1.8. **“Produk”** beteken die produk soos omskryf in die ooreenkoms waartoe hierdie GWK Besproeiing: Standaard Bepalings en Voorwaardes van toepassing is;
- 1.9. **“Dienste”** beteken die diens soos omskryf in die ooreenkoms waartoe hierdie GWK Besproeiing: Standaard Bepalings en Voorwaardes van toepassing is. Dienslewering sal 'n soortgelyke betekenis hê;
- 1.10. **“Projekte”** beteken die ontwerp van besproeiingstelsels in geheel. Dit sluit in opmeting, ontwerp, tekenwerk en die samestelling van 'n geprysde kwotasie en hoeveelheidslys;
- 1.11. **“Onderteken”** beteken die fisiese teken van 'n dokument, maar beteken ook die aanvaarding van hierdie GWK Besproeiing: Standaard Bepalings en Voorwaardes deur middel van lewering of telefoniese-, e-pos- of faks-bevestiging;
- 1.12. **“Ooreenkoms”** beteken die transaksiedokument aangegaan deur en tussen GWK en die kliënt waartoe hierdie GWK Besproeiing: Standaard Bepalings en Voorwaardes van toepassing is en sluit die aanvaarding van 'n kwotasie in, ongeag die tipe transaksie, byvoorbeeld dienslewering, aankoop of verkoop van toerusting, of ontwerpkwotasie, ensovoorts;
- 1.13. **“Toerusting”** beteken enige implement of enige soortgelyke item;
- 1.14. **“BTW”** beteken Belasting op Toegevoegde Waarde.

### **2. PRYSE**

- 2.1. Die prys op die ooreenkoms is onderworpe aan verandering en sluit die volgende uit: skeepsvrag, assuransië, belasting, invoerkostes, staangeld en doeaneregte. Indien buitensporige verdragting met aflewering en/of installasie sou plaasvind as gevolg van die kliënt sal die fluktuasie in prys tussen die aanvangsdatum en die datum(s) van besending vir die kliënt se rekening wees.
- 2.2. Alle pryse, tensy anders aangedui, is op beskikbaarheid van voorraad vir afhaling by 'n toepaslike GWK Besproeiing-winkel.
- 2.3. Standaard uitsluitings by GWK-pryse (indien toepaslik op projek):
  - 2.3.1.1 Arbeid om materiaal af te laai op terrein, (4 tot 6 sterk arbeiders benodig.) Kennisgewing van afleweringdatum en tyd moet vooraf ooreengekom word;
  - 2.3.1.2 Trekker en lang sleepwa met brandstof en operateur om materiaal te vervoer na plekke wat ontoeganklik is vir vragvervoer-voertuie, welke tydig met kliënt gereël en gekoördineer word vir aflewering;
  - 2.3.1.3 Alle siviele werke, bv. grondwerke, loopgrawe, rugvulling, kompaksie, pyp- en kabelinstallasie; betonwerke en materiaal, bv. sand, klip, sement en ander boumateriaal, pomphuse en pompvoetstukke, spilpuntfondamente, stootblokke, klepkaste, ens.;
  - 2.3.1.4 Elektriese komponente en kables, bv. transformators, distribusieborde, verwante kables, (tensy gespesifiseer in ooreenkoms);
  - 2.3.1.5 Elektriese werke deur 'n geakkrediteerde kontrakteur word vereis (gebruik asseblief jou plaaslike gekwalifiseerde elektrisiën);
  - 2.3.1.6 Opleiding en instruksie oor die korrekte gebruik van toerusting en materiale. Meer gespesialiseerde toerusting moet voorsien word met 'n eienaars-/operasionele handleiding, waar dit die kliënt se verantwoordelikheid is om hom/haar en werknemers of operateurs daarmee vertrou te maak.

### **3. TERREINOPMETING**

- 3.1. Toerusting wat GWK gebruik vir GPS-opmeting is akkuraat binne 'n 250 mm radius.
- 3.2. Die GPS-posisionering en plasing is 'n gratis diens. GWK aanvaar geen aanspreeklikheid vir enige voortvloeiende skade of verliese as gevolg van onakkurate terrein-plasing nie; dit is jou verantwoordelikheid om te verseker die plasing is korrek.
- 3.3. Indien nodig, word dit aanbeveel om 'n professionele landmeter te gebruik vir die finale terrein-plasing. Hierdie bykomende diens is betaalbaar deur die kliënt.

### **4. BETALING**

- 4.1. Fakturering vind plaas ná lewering van goedere en enige inbetaling voor lewering geskied, word beskou as 'n deposito.

- 4.2 Die bedrag betaalbaar deur die kliënt sal die bedrag wees soos vervat in die ooreenkoms, welke bedrag BTW uitsluit. Alle soorte betalingsterme moet vooraf met die besproeiingskonsultant ooreengekom word tydens die aanstellingsproses, maar in die afwesigheid van so 'n ooreenkoms of 'n beskikbare kredietfasiliteit, sal die volgende terme van toepassing wees:
- 4.3. Op onderdele is die volledige faktuur betaalbaar by lewering.
- 4.4. By projekte:
- 4.4.1. 50% deposito, en
- 4.4.2. Finale faktuur ná nat kommissie van stelsel (50% van die ooreenkoms)
- 4.5. Vir derdeparty-finansiering:
- 4.5.1. Skriftelike bankwaarborg en bevestiging van volle beskikbaarheid van finansiering van die betrokke finansiële instelling word vereis voor die bestelling en/of lewering van goedere.
- 4.5.2. Die ooreenkoms sal dien as die kliënt se erkenning vir die volle begrip van hoeveelhede, toerusting, toebehore, gehalte en gebruik van genoemde goedere.
- 4.5.3. Die kliënt sal verantwoordelik wees vir die rente van goedere, bereken 60 dae ná volledige afleweringdatum.
- 4.6. Die kliënt moet die volle bedrag betaal, vry van enige aftrekkings of skuldvergelyking.
- 4.7. Rente sal teen die maksimum toelaatbare koers gehef word indien enige bedrag uitstaande of agterstallig is op die betaaldatum, wat daaglik bereken en maandeliks gekapitaliseer word tot datum van volle vereffening.

## **5. LEWERING**

- 5.1 Goedere vir aflewering is normaalweg binne drie (3) weke van skriftelike aanvaarding beskikbaar. Die beskikbaarheid is egter onderworpe aan vorige verkope en verskaffervoorraad.
- 5.2. GWK sal poog om binne enige gegewe periode te lewer, maar aanvaar geen aanspreeklikheid indien GWK nie binne sodanige tydskop lewer nie. Die kliënt het ook nie die reg om die kontrak te kanselleer as gevolg van laat aflewering nie.

## **6. EIENAARSKAP, WINS EN VERLIES**

- 6.1 Die risiko en verantwoordelikheid vir alle goedere word met lewering oorgedra aan die kliënt.
- 6.2. In afwagting van betaling in volle prys soos hierbo genoem, sal die kliënt die goedere ten volle verseker en onder geen omstandighede daarop geregtig wees om die genoemde goedere te verkoop, vervreem, verpand of te belemmer nie.
- 6.3. Wins en verlies in die produk sal oorgaan na die kliënt met lewering.
- 6.4. Nieteenstaande 6.1 bo, sal eienaarskap in GWK vestig en eers oordra na die kliënt sodra die bedrag ten volle betaal is, insluitend enige uitstaande rente.

## **7. INSTALLASIE OP TERREIN**

Waar GWK spesifiek ingestem het om masjinerie vir die kliënt te installeer, óf te begin:

- 7.1. Die kliënt sal die terreinarea skoonmaak en beskikbaar stel en sal, indien nodig, water, elektrisiteit, brandstof en ander noodsaaklike dienste voorsien voor die aankoms van GWK se werknemers of kontrakteurs.
- 7.2. Indien verdragings ondervind word deur geen fout van GWK, sal alle bykomende kostes vir die kliënt se rekening wees.

## **8. TEGNIESE INLIGTING**

- 8.1. Dimensies, detail en stellings wat betrekking het op, maar nie beperk is tot, kapasiteit, kragverbruik of werkverrigting, gespesifiseer of vervat in enige vervaardiger of verskaffer se tekeninge, kwotasies, katalogusse, spesifikasies, hoewel dit gebaseer is op ervaring en industriënorme, is nie bedoel as 'n kontraktuele verpligting nie. Die kliënt het dus geen reg op kansellering of enige aanspraak op GWK wat daaruit voortspruit nie.
- 8.2. Kwotasies, tekeninge en ander inligting wat verskaf word, bly die eiendom van GWK met kopiereg en moet as vertroulik hanteer word en moet op versoek van GWK terugbesorg word. Die kliënt het geen reg om enige tegniese inligting aan enige derdeparty bekend te maak of om enige derdeparty enige goedere te laat vervaardig wat die tegniese inligting van GWK gebruik nie.
- 8.3. Illustrasies, tekeninge, katalogusse, kapasiteit, gewigte, metings, werkverrigtingsdata en ander gegewens moet slegs as benaderd beskou word, tensy anders ooreengekom. Dit word nie gewaarborg nie. Afwykings daarvandaan sal nie die ooreenkoms tot niet maak nie of enige reg van kansellering aan die kliënt verleen of die grondslag van enige eis van enige aard teen GWK bewerkstellig nie.
- 8.4. GWK behou die reg voor om die ontwerp te verander of om items van gelyke of beter prestasie te vervang, indien in GWK se uitsluitlike diskresie sodanige verandering tot voordeel van albei partye en ooreenkomstig die gees van die ooreenkoms sal wees.

## **9. BELASTINGS, HEFFINGS EN ANDER BELANGRIKE PERMITTE**

Die Kliënt sal aanspreeklik wees vir die verkryging en betaling van alle toepaslike belastinge, heffings, registrasies en belangrike permitte en enige ander verwante fooie, byvoorbeeld invoerkoste, wat deur enige derdeparty gehef mag word en GWK word vrygestel van enige sodanige verantwoordelikheid.

## **10. WAARBORGE EN AANSPREEKLIKHEID**

- 10.1. GWK waarborg dat die produk en/of diens is wat dit genoem word en soos dit beskryf is. GWK waarborg egter geensins en word ten volle gevrywaar ten opsigte van enige ander waarborge, voorwaardes en voorleggings (van watter aard ook al) aangaande die produk en/of diens se geskiktheid, toepaslikheid, vermoëns of andersins.

- 10.2. GWK sal geensins aanspreeklik wees vir enige defekte in die produk en/of diens as gevolg van enige foutiewe vervaardiging, gehalte van onderdele of andersins, of enige tekort in lewering van die produk en/of diens, tensy die kliënt:
- 10.2.1. skriftelik binne 48 (agt-en-veertig) uur ná lewering vir GWK van sodanige defek of tekort in kennis stel; en
  - 10.2.2. daar tot die redelike bevrediging van GWK vasgestel is dat die defek of tekort nie as gevolg van die kliënt se handeling veroorsaak is nie.
- 10.3. Indien GWK vir enige defek of tekort aanspreeklik is, sal sodanige aanspreeklikheid beperk wees tot:
- 10.3.1. herstel of vervanging van die produk en/of diens in GWK se uitsluitlike diskresie; of
  - 10.3.2. terugbetaling van die bedrag van die kliënt ontvang vir die produk en/of diens, ook binne GWK se uitsluitlike diskresie.
- 10.4. Die kliënt magtig GWK en sy werknemers om op die kliënt se risiko die toerusting te bestuur en te beweeg op strate/paaie of ander plekke vir alle doeleindes nodig vir die herstel daarvan, en in besonder ook vir die toetsinspeksie.
- 10.5. GWK verskaf geen waarborg van watter aard ook al ten opsigte van voorheen gebruikte goedere of foute wat voortspruit uit onverskillige bedryf of instandhouding, versuim om te voldoen aan gebruiksaanwysings, foutiewe installasie, aanskakel of instandhouding (behalwe deur GWK), oortolading, onvoldoende smering, lae lynspanning of enige ander soortgelyke oorsaak. GWK staan nie in vir die vervaardiger se waarborg nie.
11. **TERUGGAWE VAN GOEDERE**
- Teruggawe van goedere en die verskaffing van krediet daarvoor, sal in die uitsluitlike diskresie van GWK toegestaan of geweier word. Indien goedgekeur, sal goedkeuring onderhewig wees aan 'n hanteringsfooi van 20%.
12. **DEFEKTE**
- Alle defekte in terme van die Ooreenkoms wat deur GWK geag word om nie-materiële defekte te wees, sal binne die uitsluitlike diskresie van GWK reggestel word, mits die kliënt GWK binne 48 (agt-en-veertig) uur ná lewering daarvan in kennis stel.
13. **VRYWARING**
- Die kliënt vrywaar GWK onvoorwaardelik van enige skade en/of verlies, van watter aard ook al, en hoe dit ook al mag ontstaan, welke direk of indirek, ongeag deur wie dit veroorsaak is.
14. **BREUK**
- Indien enige bedrag betaalbaar deur die kliënt uitstaande is en uitstaande bly, of die kliënt in breuk is van enige van hierdie bepalings en voorwaardes vir 'n periode van 7 (sewe) dae, nadat die kliënt skriftelik in kennis gestel is om betaling te maak of om die breuk te herstel, sal GWK daarop geregtig wees op enige van die volgende:
- 14.1. spesifieke nakoming te eis; of
  - 14.2. die ooreenkoms te kanselleer; en/of
  - 14.3. skade te eis, tesame met kostes op prokureur-en-kliënt-skaal.
15. **FORCE MAJEURE**
- GWK sal nie verantwoordelik wees vir enige nie-nakoming as gevolg van enige omstandighede buite die beheer van GWK nie, ingesluit, maar nie beperk tot oorlog, weer, optogte, stakings, vuur, vloed, staatsgrepe of kwarantyn nie. Versuim om betaling te maak deur die kliënt sal nie deur force majeure verskoon word nie. GWK sal die kliënt onmiddellik in kennis stel, sodra enige voorval plaasvind wat nakoming deur GWK sal verhoed. Indien die force majeure vir drie maande of langer voortduur, sal enige party daarop geregtig wees om die ooreenkoms te kanselleer.
16. **ALGEMEEN**
- 16.1. Dokumentbestuur:
- 16.1.1. **Volledige afleweringssertifikaat:** Bevestiging van volledige aflewering van goedere wat deur die kliënt, GWK-besproeiingskonsultant en GWK-bedryfshoof geteken moet word.
  - 16.1.2. **Droë kommissie-sertifikaat en lys van uitstaande werke:** Hierdie dien as bewys van alle partye se tevredenheid en aanvaarding van die installasie. Word onderteken deur die kliënt, GWK-besproeiingskonsultant, asook die kontrakteur/oprigter.
  - 16.1.3. **Nat kommissie-sertifikaat:** Hierdie finale sertifikaat word geteken deur die kliënt, GWK-besproeiingskonsultant, asook die kontrakteur/oprigter en dien as bewys van die kliënt en GWK se tevredenheid met die werke en bevestig dat die projek voltooid is en betaling kan geskied.
- 16.2. GWK sal daarop geregtig wees om hierdie bepalings en voorwaardes van tyd tot tyd aan te pas, sonder kennisgewing.
- 16.3. Hierdie bepalings en voorwaardes vervat die geheel van die ooreenkoms tussen die partye en niks wat nie hierin vervat is, sal bindend op die partye wees nie. Geen waarborg, voorlegging of dienoreenkomsstige stelling sal geldig wees, tensy dit uitdruklik in hierdie ooreenkoms vervat is nie.
- 16.4. Enige dispuut sal binne GWK se uitsluitlike diskresie deur middel van arbitrasie opgelos word, welke in Douglas gehou sal word ingevolge toepaslike arbitrasiewetgewing en reëls.
- 16.5. Die kliënt mag nie hierdie ooreenkoms sedeer of oordra aan enige derdeparty sonder die skriftelike toestemming van GWK nie.
- 16.6. Geen wysiging, toevoeging, weglating of verandering sal van krag wees, tensy op skrif gestel en deur albei partye onderteken is nie.
- 16.7. 'n Party se remedies en regte sal geensins beïnvloed of benadeel word deur enige verlenging van tyd, tegemoetkoming, of grasia deur daardie party verleen nie.
- 16.8. Indien enige bepaling tydens verkoping teenstrydig is met die bepalings en voorwaardes hierin vervat, sal die bepalings en voorwaardes hiervan voorrang geniet, tensy anders ooreengekom.